

## Script of Evening Gojri News Bulletin 31 July 2024 at 1700 Hrs

ايوننگ گو جری نیو ز بلیٹن مو رخہ 31 جولائی 2024

\*\*\*\*\*

یوہ آکا شوانی جموں بے محمد اشفاق تے غلام سرورتیں خبر سنو۔ پہلاں خاص خاص خبر۔

\*\*\*\*\*

\*1. صدر جمہو ریہ درویدی مُرمو 2 اگست نانہہ راشٹر پتی بھون مانہہ شروع بون آلی گو رنراں غی 2 روزہ کانفرنس غی صدارت کریں گی۔

\*2. سائنس تے تکنیک غا کمشنر سیکریٹری سوریہ بھگت نے جموں کشمیر مانہہ سرکا ری عمارتاں ور شمسی یونٹ چھتاں ور لان با رے حکمتِ عملی ور تبادلہ خیال واسطے میٹنگ غی صدارت کی۔

\*3. کیرالہ غا وانناڈ مانہہ جا تے روز پسی پین غی وجہ سنگمانہہ مرن آلاں غی گنتری 157 تک پُچ گئی ہے۔

\*4. تے کل تیں ضلع سانہہ غا ایمز وجے پور مانہہ عام مریضاں غی جانچ واسطے او پی ڈی شروع ہو رہی ہے۔

\*\*\*\*\*

خبراں غی تفصیل نال پہلاں محمد اشفاق۔

### Governor Conference

صدر جمہو ریہ درویدی مُرمو جمعہ آلی تہاڑے راشٹر پتی بھون مانہہ بون آلی گو رنراں غی 2 روزہ کانفرنس غی صدارت کریں گی۔ یاد رہے جو رنراں غی یابہ پہلی کانفرنس ہے جس غی صدارت صدر جمہو ریہ کریں گی۔ صدر جمہو ریہ غی سیکریٹریٹ غو کہنو ہے جو تمام ریاستاں غا گو رنر اس کانفرنس مانہہ شرکت کریں گا۔ واضح رہے جو نائب صدر جمہو ریہ جگدیپ دھنکڑ، وزیر اعظم نریندر مو دی، وزیر داخلہ امت شاہ، مرکزی وزراء دھرمیندر پردھان، شیوراج سنگھ چوہان تے کجھ بور مرکزی وزراء وی اس کانفرنس مانہہ حصو لیں گا۔ اس غے نال نال نیتی آیوگ غا وائس چیئرمین تے سی ای او، وزیر اعظم دفتر غا سینئر افسران سمیت وزارت داخلہ مانہہ کا بینہ سیکریٹریٹ غا سینئر عہدیدار وی اس کانفرنس مانہہ شرکت کریں گا۔ آکا شوانی غا نامہ نگار غو کہنو ہے جو کانفرنس غا ایجنڈا مانہہ 3 فوجداری قانوناں غو نفاذ، اعلیٰ تعلیم مانہہ اصلاحات تے یونیورسٹیاں غی منظوری غے نال نال کجھ بور ترقیاتی امور وی شامل ہیں۔ یاد رہے جو رنراں غا کردار تے ریاست مانہہ کجھ کجھ مرکزی ایجنسیاں بشکار بہتر تال میل سمیت کئی دیگر اہم امور ور بات چیت کی جائیں گی۔

\*\*\*\*\*

### Solar Rooftop

سائنس تے تکنیک غا کمشنر سیکریٹری سوریہ بھگت نے بیتے روز سول سیکریٹریٹ سرینگر مانہہ قومی پن بجلی کا رپو ریشن غے ذریعے قابل تجدید توانائی سروس کمپنی یعنی ”رسکو“ غے تحت جموں کشمیر مانہہ سرکار عمارتاں ور شمسی توانائی یونٹ چھتاں ور لان با رے حکمتِ عملی ور تبادلہ خیال واسطے میٹنگ غی صدارت کی۔ اس میٹنگ غے دوران کمشنر سیکریٹری نے مرکزی زیر انتظام جموں کشمیر مانہہ سرکار عمارتاں مانہہ سولرازنڈ کرن بارے ایکشن پلان غو جائزو وی لیو۔ کمشنر سیکریٹری نے این ایچ پی سی آر ای ایل مانہہ ہدایت کی ہے وے متعلقین غا کردار تے ذمہ داریاں با رے چار مستفید بون آلا محکماں نال مفاہمت ناماں ور دستخط کریں تے ماہانہ بنیاداں ور سائنس تے تکنیک نال

ماہانہ پیش رفت غو اشتراک کریں۔ اس سلسلہ ماہانہ کمشنر سیکریٹری نے دیہی علاقہ  
 ماہانہ بجلی ناہم روشن کرن با رے کا رپو ریشن آر ای سی ناہم وی مشورہ دتو کہ واہ  
 جموں کشمیر یوٹی ماہانہ تجا رتی سرمایہ کا ری سیمنا ر منعقد کرے۔ جس غو مقصد سرمایہ  
 کا راں ناہم شمسی شعبہ ماہانہ کا روپا ری امکانات ناہم ظاہر کرن با رے مدعو کیو جا ئے  
 گو۔ انہاں نے آر ای سی ناہم مزید کہیو کہ واہ جموں کشمیر توانائی ترقیاتی ایجنسی یعنی  
 جکیڈا غا تعاون سنگ ”رسکو“ غا نفاذ طریقہ کا ر نال چھتاں ور شمسی توانائی پلانٹس  
 نصب کرن با رے بیداری تے صلاحیت سازی غا پروگرام منعقد کریں۔

\*\*\*\*\*

### UPSC Chairman

سابقہ مرکزی صحت سیکریٹری تے 1983 بیچ غی آئی اے ایس آفسر پریٹی سودھن ناہم  
 یونین پبلک سروس کمیشن یو پی ایس اسی غی چیر پرسن غے طو رور منتخب کیو گیو ہے۔  
 صدر جمہوریہ درویدی مرمو نے محترمہ سودھن غی تقرری ناہم منظوری دتی ہے۔ اس  
 سلسلہ ماہانہ متعلقہ افسر پہلی اگست ناہم بطور چیر پرسن اپنو عہدو سنبھالیں گی۔ محترمہ  
 سودھن ڈاکٹر منوج سونی غی جگہ لیں گی جنہاں نے اس مہینہ غی شروعات ماہانہ اپنی  
 مدت ملازمت ختم ہون تیں قبل استعفو دتو تھو۔

\*\*\*\*\*

### LS Bullet Train

حکومت نے اج زور دیتاں واں کہیو ہے بلٹ ٹرین پروجیکٹ تیزی سنگ اگے بدھ رہیو ہے۔  
 لوک سبھا ماہانہ اج وقفہ سوالات غے دوران جواب دیتاں واں ریلوے وزیر اشونی ویشنو  
 نے دسیو جے ملک ماہانہ پہلی با رپرو جیکٹاں غا حصہ غا طو رور 21 کلو میٹر لمبی سرنگ  
 بنائی جا رہی ہے۔ جس غو 30 میٹر حصو سمندر تیں بوتان واں گزرے گو۔ انہاں نے مزید  
 دسیو جے 320 کلو میٹر پروجیکٹاں غی بنیاد غو کم مکمل ہو چکو ہے تے آتم نربھر بھارت  
 مہم غے تحت متا سارا اقدام کیا جا رہیا ہیں۔ وزیر موصوف نے دسیو جے بلٹ ٹرین غو  
 پروجیکٹ اک تکنیک ور مبنی پروجیکٹ ہے۔

\*\*\*\*\*

### RS BSF

گڈریا 5 بہراں ماہانہ سرحدی حفاظتی فورس بی ایس ایف ماہانہ کل 54 ہزار 7 سو 60  
 اہلکاراں ناہم پہرتی کیو گیو ہے۔ اج راجیہ سبھا ماہانہ اک تحریری جواب دیتاں واں وزیر  
 مملکت نتیا نند رائے نے دسیو جے بی ایس ایف ماہانہ پچھلا 5 بہراں ماہانہ 7 ہزار 3 سو  
 72 نویں پوسٹ کڈیں گئی ہیں۔ انہاں نے مزید دسیو جے بی ایس ایف ماہانہ 10 ہزار توں  
 متی آسامیں موجو دبیں۔ جناب رائے نے مزید دسیو جے حکومت نے بی ایس ایف ماہانہ کا  
 انسٹیبل غا عہدہ ور سابق اگنی ویر جواناں ناہم بھرتی کرن خاطر خصوصی انتظام کیو گیو  
 ہے۔ وزیر موصوف نے یوہ وی کہیو جے 10 فیصد آسامیں سابق اگنی ویر جواناں خاطر  
 مختص کی جا ئیں گی۔ تے نال بی سابق اگنی ویر جواناں واسطے عمر غی بالائی حد ماہانہ 3  
 سال توڑی نرمی برتی جا ئے گی۔ اس غے نال نال اگنی پتھ سکیم غا پہلا بیچ غا امید واراں  
 خاطر مقررہ عمر غی حد ماہانہ 5 سال غی چھوٹ دتی جا ئے گی۔ جناب رائے غو یوہ وی  
 کہنو تھو جے سابق اگنی ویر جواناں غا جسمانی کا رکر دگی ٹیسٹ نہیں لیا جائیں گا۔

\*\*\*\*\*

### SP Kishtwar

اے سی ڈی کشتواڑ فلیل سنگھ نے پہلی اگست توں 15 اگست توڑی صفائی با رے طے شدہ سوچھتا سنگرام مہم غا آغاز غو اعلان کیو ہے۔ اس اقدام غو مقصد عوام نانہہ صفائی بدھان تے ماحولیاتی استحکام نانہہ فروغ دین خاطر مہم مانہہ شامل کرنو ہے۔ اسسٹنٹ کمشنر کشتواڑ نے تمام باشندان، تنظیمان تے متعلقین نانہہ اپیل کی جے وے ضلع کشتواڑ نانہہ صاف ستھرو تے سرسبز رکھن مانہہ ہر ممکن کو شش کریں۔

\*\*\*\*\*

### Vishvkarma

سرکار ی پالیٹکنک کالج بکرم چوک جموں نے بیتے روز پی ایم ویشو کرما سکیم غے تحت سرٹیفکیٹ تقسیم کرن غی تقریب غو انعقاد کیو۔ یہ سرٹیفکیٹ 15 بیچان گا 248 تربیت یافتان نانہہ تقسیم کی گئیں۔ جن مانہہ اسسٹنٹ حجام، سلون سروسز، ترکھان، لوہار، مستری وغیرہ شامل تھا۔ سرکار ی پالیٹکنک کالج جموں غا پرنسپل انجینئر ارون بھگوتراہ نے پی ایم ویشوکرما سرٹیفکیٹ غے تحت کار ریگراں غی شناخت غے نال نال 5 تے 7 دن غی بنیا دی تربیت غے ذریعے اسکیم غی بنیا دی مقاصد و لو کہلی۔

\*\*\*\*\*

یہ خبر تم آکا شوانی جموں تیں سن رہیا ہیں خبران غا باقی حصہ نال غلام سرور۔

### Waynad Landslide

کیرالہ غا وائناڈ مانہہ پسیں آن غی وجہ تیں جان گنوان آلاں غی تعداد بدھ غے 157 ہو گئی ہے۔ تے اس مانہہ ہور بابدہ غو وی خدشو ہے۔ قابل ذکر ہے جے متاثرہ علاقان مانہہ فوج، فضائیہ تے این ڈی آرایف سمیت دیگر ایجنسیاں غی قیادت مانہہ بڑا پیمانہ ورتلاش جاری ہے۔ خیال کیو جا رہیو ہے کہ کئی لوگ ملبا تلے دبیا واہیں۔ تے کئی لاشاں نانہہ کڈیو جا رہیو ہے۔ دسیو جا رہیو ہے جے ملبا ایٹھوں دبیا لوکان نانہہ تلاش کرن خاطر کھوجی کتاں غو استعمال کیو جا رہیو ہے۔ واضع رہ جے بیلی برج تے ملبو بٹان آلا آلات غو پہلو سیٹ اج سویرے وائناڈ پُج کیو ہے۔ تے بیلی برج غو دوجو سیٹ وی دہلی تیں ہوائی جہاز غے ذریعے کنور ہوائی اڈہ ورتلاش کیو ہے۔ جس نانہہ وائناڈ مانہہ ملبو بٹان خاطر استعمال کیو جائے گو۔ مسلماً افواج نے دسیو ہے جے گذری رات توڑی قریب 70 لاشاں نانہہ برآمد کیو جا چکیو تھو۔ تے قریب 1 ہزار متاثرہ افراد نانہہ بچایو کیو ہے۔ یاد رہ جے کیرالہ غا گورنر محمد عارف خان تے گواہ غا گورنر پی ایس سریدھرن نے اج وائناڈ غودورو کیو۔

\*\*\*\*\*

### AIIMS OPD

پلک تیں ایمز وجے پور مانہہ عام مریضاں واسطے او پی ڈی شروع ہو رہی ہے۔ تے اس سلسلہ مانہہ ہن لوگ اپنی جانچ کروان با رے ایمز مانہہ آسکیں۔ ایمز غا ڈائریکٹر پروفیسر ڈاکٹر شکتی گپتا نے مہارا ضلع نمائندہ سانبہ سپتال شرما سنگ تفصیلی معلومات سانجھی کرتاں واں اس طرح کہیو۔ بانٹ۔

\*\*\*\*\*

### LS Scindia Spectrum

وزیر مواصلات جیوتر ادتیہ سندھیا نے کہیو ہے جے 5 جی سپیکٹرم نیلامی 24/2023 توں سرکار ی خزانہ نانہہ 1 ہزار 3 سو 40 کروڑ روپیاں غی آمدنی ہوئی ہے۔ اج لوک سبھا مانہہ اک سوال غو جواب دیتاں واں جناب سندھیا نے دسیو ہے سپیکٹرم نیلامی 24/2023 بنیا دی طور ورتیلی کام سروس فراہم کرن آلا اس سال ختم ہون آلا سپیکٹرم نانہہ دوبارہ بھرن غو موقعو دے غے موجودہ مو بائیل سروس مانہہ بتدریج اضافو

کرن خاطر کی گئی تھی۔ انہاں نے دسیو جے نیلامی 25 جون نانہہ شروع ہوئی بولی غا 7 دوراں توں بعد 26 نانہہ ختم ہوئی۔ وزیر موصوف نے دسیو جے ٹرائی سٹیک ہولڈر سنگ مناسب مشاورت غا عمل توں بعد قیمتاں نانہہ محدود رکھن خاطر غور و فکر کیو گیو۔  
\*\*\*\*\*

## Paris Olympics

اج 2024 پریس اولمپکس غے 5ویں تہاڑے مکے باز، تیر انداز، شٹلرز، شوٹرز بھارت واسطے بہتر کھیڈ غو مظاہر و کر رہیا ہیں۔ اس سلسلہ مانہہ مکے باز لولینا پیرگوبین اپنی مہم غو آغاز نا ورے غی سونیوا ہافسٹیڈ غے خلاف کریں گی۔ دوجے پا سے شوٹینگ مانہہ ایشوری پرتاپ سنگھ تومر مرداں غی 50 میٹر رائفل 3 پوزیشن کو الیفکیشن ایونٹ مانہہ حصو لیں گا۔ واضع رہ جے منگل غے تہاڑے بھارت غی شوٹینگ کوین منو بھاکر نے کا نسہ غو تمغو جتیو تھو۔ اس سلسلہ مانہہ منو بھاکر تے سر بجوت سنگھ نے مل غے 10 میٹر ائر پستول میکسڈ ٹیم ایونٹ مانہہ کانسہ غا تمغه جت غے تاریخ رقم کی۔ بھارتی ہاکی ٹیم نے آئر لینڈ نانہہ صفر غا مقابلہ مانہہ 2 گول نال ہرا غے لگاتار اولمپکس تمغاں غی راہ ور گامزاً کیو ہے۔  
\*\*\*\*\*

## Sindhu Olympics

بھارتی شٹلرپی وی سندھو نے اج اسٹونیا غی کرسٹن کوبا نانہہ انفرادی اولمپکس وومین گیم مانہہ ہرا غے مقابلہ گا پری کوارٹر فائنل مانہہ جگہ بنا لی ہے۔ دو دفعہ غی اولمپک میڈلسٹ نے دوجا اور آخری گروپ میچ مانہہ کامیابی حاصل کی۔ یاد رہ جے پی وی سندھو جس نے اپنا پہلا میچ مانہہ مالدیپ غی فاطمہ عبدالرزاق نانہہ شکست دے غے گروپ مانہہ سر فہرست رہیں تھیں۔ اس بھارتیہ کھلاڑی نے اس توں قبل 2016 غی ریو گیمز مانہہ چاندی غو تمغو تے ٹوکیو ایڈیشن مانہہ کا نسہ غو تمغو حاصل کیو تھو۔  
\*\*\*\*\*

## DC Udhampur NCORD

ضلع اڈھم پور غی ترقیاتی کمشنر سلونی رائے نے ضلع مانہہ منشیات غی بدعت تے اس تیں وابستہ نمڑن با رے بیتے روز نارکو کو ارڈنیشن مرکز نکا رڈ غی ضلع سطحی کمیٹی غو اجلاس بلايو۔ اجلاس غے دوران ترقیاتی کمشنر نے محکمہ نانہہ ہدایت کی کہ وے منشیات تیں متاثرہ افراد غی باز یا بی مانہہ مدد واسطے اپنی کوششاں نانہہ بہتر کریں۔ انہاں نے ضلع پھر مانہہ مشاورت، تربیت تے آئی ای سی غی سر گرمیاں نانہہ بدھان غی ضرورت ور زور دتو۔ ترقیاتی کمشنر نے منشیات نانہہ ضبط کرن تے نوجواناں بالخصوص طلباء نانہہ منشیات غا استعمال تیں روکن با رے مہم چلان ور زور دتو۔ انہاں نے پولیس محکمہ تیں منشیات غی نوعیت اور ان مقامات با رے تفصیلی رپورٹ طلب کی جتوں منشیات نانہہ طلب کیو گیو ہے۔ تانجے ضلع مانہہ منشیات فروشاں غو سراغ لا غے اک مناسب حکمت عملی کی جا سکے۔  
\*\*\*\*\*

اس غے نال ہی خبراں غو یوہ بلیٹن ختم ہوؤ۔